



5. februar 2020

Inatsisartut Suleriaasianni § 37 imm. 1 naapertorlugu Naalackersuisunut apeqquutit imaattut matumuuna saqqummiuppakka:

Naalackersuisunut apeqquutit:

- 1) Naalackersuisut isumaqarpat Kalaallit Nunaanni averusernermut avinnermullu inatsisit ukiunut atuuffimminut naleqquttuusut, Angajoqqaat akisussaanerat pillugu inatsit ilanngullugu? Akissut tungavilersorneqassaaq.
- 2) Ukiut qulit ingerlanerani katinnermut avinnermullu kisitsisit qanoq isikkoqarpat (2009-2019)?
- 3) Ukiuni taakkunanni avikkusullutik qinnuteqaatit qassit sorlermi suliarineqarsimappat rigsombudimi eqqartuussivimmilu?
- 4) Naalackersuisut allanik suliamut soqutiginaatilinnik paasissutissiisinnaanerlutik?

(Inatsisartunut ilaasortaq Anna Wangenheim, Demokraatit)

Tungavilersuut

Danmarkimi, Kalaallit Nunaannilu najugaqartunut averusernissamut avinnissamullu pisinnaatitaaffiit periarfissallu naligiingillat. Danmarkimi ilaqutariinni ukiukitsunik meerartaqarneq apeqqutaalluni aappariinnermik aaqqiagiikkunnaartoqartillugu immikkut piumasaqaatitaqartarpoq. Kalaallit Nunaanni Rigsombudi avinnissamut suliasat tamarmik asiigiimmik suliarisarpai, meerartaqarpat meerartaqanngippalluunniit.

Aappariit avikkusulertarnerannut peqqutaasut amerlasinnaasaqaat. Taamaammallu avissaarnerup ajornannginnerpaamik ingerlanneqarsinnaanissaa aalajangiisuunerpaasarpoq, tamannalu inatsisitigut siuarsarneqarsinnaavoq. Avisartaunermi pisariaqarluinnarpoq inuit iluitsuullutik illuatungaanut pinissaat, sualimmik angerlarsimaffimmi ukiukitsunik meerartaqaraanni. Tamanna qanorluunniit isigigaaanni inuiaqatigiinnut inunnullu iluanaarutaalluartussaavoq. Taamaammallu ilaqutariit meeqqallu nukittuut siuarsarnerani atatiinnarniarneranilu ilaqutariinnut meerartalinnut avinneq averusernerlu sivisuumik suliasaangaluartut, atugassarititaasut pitsaanerpaat pilersinnissaat pingaaruteqarluinnarpoq. Taamaammallu inatsisit nutartertariaqarnerisut misissorneqarnissaat pissanganarsoraara.

Kissaatigaara apeqquutima ullut sulliviit naliginnaasut qulit iluanni akineqarnissaat.